


مکتبہ دارالتحقیق

ادبی و سیاسی رسالہ اسبوعیہ در


۳۰ نجی سنہ



۲۲ شعبان المعظم ۱۳۲۹

پیشینہ

جزو عدد : ۱۰۹



غرائب مدنيه

ميلادك ۶۹ نجی سنهسی شتاسی اورتہ سسندہ بلجبقادہ وقوع بولان خبر
 اغتشاشی رومایہ ایصال ایدن ساعیلر طقوز کون متمادیاً ، تقریباً کوندہ ۲۴۰
 کیلو مترہ قطع ایشلردر ! شہسز بو میانده توقفلردہ داخلدر . معلوم اولان اک
 سرعتی سیاحت خستہ لنان (دروزوسی) ایچون تیہر ییوسک (پاویا) دن جرمانیایہ
 اولان سیاحتیدر . هنوز فتح ایدلمش بر مملکت داخلدن یالکز بر کشی ایله برابر
 — بالطبع حیوان دیکشدر مک شرطیلہ — ۲۴ ساعت ظرفندہ ۲۹۰ کیلومترہ قطع
 ایدلمشدر !!! بو قدر کیلومترہ قطع ایدہ یلک یالکز یولک بیوک بر قسمتی دوت
 نعل یوروتک و بی پروا حیوان تلف ایتمک ایله قابل اولہ بیلیر . بونکله برابر عصر
 اخیرک (اسپورت) تاریخی بوکا مشابہ بر سرعتی احتوا ایتمکدہ در . قرون وسطی
 بدایتلرنده بر کونلک یول ۲۰ : ۳۰ کیلومترہ بالغ اولمقدہ ایکن رومالیر زمانندہ
 عربہ ایله سیاحت ایدن یولجیلر . اوزون مسافلردہ ، وسطی اولہرق کوندہ
 ۶۰ : ۷۳ کیلومترہ قطع ایلکدہ ایدیلر .

§

۱۱۸۸ سنهسی مارتک ۱۷ نجی کونی بابانک خاتمی حاملہ رومادن حرکت
 ایدن بر ساعی (تاتار) نپسانک ۱۵ نجی کونی (قانتہ بوری) یہ مواصلت ایتمش ،
 یعنی ۲۵ کون صرف ایشلدر .

رومالیر زمانندہ اسپانیادہکی (اوستیا) دن (تاراقو) یہ قدر بش کونلک بر

سیاحت بحریه سریع عد ایدلمکده ایدی . استقامت معکوسهده اولهرق درت کوندن آز بر زمان نظر فنده قطع ایدیلان بر سیاحتی اختیار (بلیدوس) او زمانه قدر واقع اولان سیاحتلرک الگ سریعی اولهرق قید ایتمکدهدر . ناپولیدن بارسلونه قدر اولان ۱۲ کونلک بر دکز سیاحتنه (سروانت) بر « سیاحت مسعوده » نامی ویرمکده ایدی .

آرسلان یورکللی ریشار مارسیلیادن مسینایه مواصلت ایچون ۱۱۹۰ سنهسی آغستوسنک ۱۶ سندن ایلولنک ۲۳ نه قدر اولق اوزره اوزون بر زمانه محتاج اولمشدر . مشار الیه ۱۱۹۲ سنهسی تشرین اولنک ۹ نجی کونی عکاده سفینهیه راکب اولهرق تشرین ناینک ۱۱ نجی کونی (قور فوایه) اصل اولمشدر ؛ بوسرعت قرون وسطی ده سرعت نظامیه ایدی . بالنسبه رومالیر زماننده کندن پک آزدر .

§

اسویچرلنک هر بیوکجه قریه ویا قصبه سنده استریدییه قبوقلرینک بولغسی رومالیر زماننده حرکات و نقلیاتده کی سرعت دایر بر فکر ویرمیلیر . حتی (آوانش) ده خرما و زیتون چکر دکاری بولغمشدر . لیون شهرینک طوبراق دسقی و کویلری (غول) مالککنده ، انکتردهده ، یوقاری ایستلاده ، آلپ و (تیروا) طاغلری جوارنده ، محارستانده دائما عین فابریقه عفاستی حاز اولهرق کورلشدر . اسکی رومالیر ۲۶۷۰ تون جسماتده کیلر انشا ایلشدر .

§

اسکی روماده (وژه تارییهن) (آکل النبات) لر دخی موجود ایدی (سنهقا) و (پلوتارخ) ک وژه تارییهن اولدقلری محققدر . باخصوص پلوتارخ قواعد فن مناظرهیه موافق اولهرق کندی طرز معیشتی مدافعه ایتش و آکل اللحم اولانلره تعرض ایلشدر .

وقتیله آتی آقول و برهیز و اعتدال جمعیتلری دخی موجود ایدی . ایکنجی رامسس اسکی مصریلرک سرخوشلغنه قارشی بر آتی آقول جمعیتی تشکیل

ایلشدرکه بونی ۱۹۰۲ سنهسی (فرانس مدیقال) غزتهسی تصویرات و نقوشانك قرائی ایله صحتك تدقیق و آرائه ایلدیکنی یازمشدر . فی الحقیقه سرخوشلاق پك زیاده افراطه واردیرلمش ایدی . حکومت جدیدنك قادیسلری - ارککلری مسکوت عنه کچلم - مست لایعقل اولمقده برعار و حجاب حس ایتمکدن بشقه حق قادیسلر ، اوزرلرینه فسالق کلدیکی آنده مزارلرینك دیوارلرینه قید و تأیید ایتدیرلرلمش . شوراسی ده شایان اخطاردركه مصر قدیمه درت مختلف نوع یرا اولدینی کبی ، بیاض قرمز ، سیاه ، و شمال جنوب کبی اسملرله مسمی آتی نوع شراب و حتی خرما راقیسی موجود ایدی .

(ده قانه نوص) کندی کئول علیدارلنی تلقیناتیله (سترابون) قارشوسنده قیصه بر مدت نتایج قطعیه دسترس اولمش ایدی . او آنه دکین (باکوس) پك جوق قربان ویرمش اولان که تله (تراکیا اهالیسی) قارشو آتشلی نطقلری پك بیوک تأثیر اجرا ایلدیکندن ، مملکتده بولنان اوزوم کوتوکلرینی قلع وقع ایدرهك مؤخرأ شرابسز یاشامغه باشلامشلردر .

معلوم اولدینی اوزره الیوم سربست آمریقانك بعض حکومتلرنده مشروبات کئوله یالکز اجزا خانهلردن طبیب رجته سیله اعطا اولمقده ایسه ده هر حاله بیوک بر مشکلاته مصادف اولمقسزین آله ییلکده در .

§

الکتریق زمان قدیمه دخی - هر نه قدر برطرز ابتدائی ده ایسه ده - تدای مقصدیله تطبیق ایدلمشدر . اوزون مدت دوام ایدن باش آغریسندنه الکتریق محل وجعه بر شعله ارتعاش حاصل اولنجیه قدر تطبیق ایدیلیر ایمش . بردغه تطبیق کفایت ایتدیکی تقدیرده عملیات تکرار ایدیلیرمش .

[مابعدی کلچك نسخه ده]

